



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 9. Quid addendum sit circa reductionem Missarum.

urn:nbn:de:hbz:466:1-42624

& inviolabiliter observari, sicque & non aliter per quoscumque Judices Ordinarios & delegatos, quâvis auctoritate, præeminentiâ aut potestate fungentes & functuros, etiam causarum Palatii Apostolici Auditores, ac ejusdem S.R.E. Cardinales, etiam de Latere Legatos & Sedis Apostolicæ Nuncios, sublatâ eis & eorum cuilibet quâvis aliter judicandi & interpretandi facultate, judicari & definiri debere; ac irritum & inane, si secus super his à quoquam, quâvis auctoritate, scienter vel ignoranter contigerit attentari.

Non obstantibus omnibus & singulis, quæ præfata Congregatio, auctoritate per ejusdem recordationis Urbanum Papam VIII. respectivè per Nos illis specialiter attributâ, decrevit non obstare, decernimus & mandamus, quibus omnibus quoad ea, quæ præsentibus adversantur, illis aliâs in suo robore permansuris, etiam harum serie plenissimè, specialiter & expressè derogamus, cæterisque contrariis quibuscumque, &c. Datum Romæ apud S. Mariam Majorem anno 1697. die 23. Decembris.

Hactenus Constitutio Inn. XII. renovans 115.
decreta Urbani VIII. & S. Congregationis; quæ per sequentes quæstiones adhuc magis declarabuntur.

Q. 9. Quid præterea sit addendum circa reductionem Missarum. & seqq. §. 1. Magistratus laici vel quicumque alii sæculares nihil possunt circa reductionem Missarum, etiam si essent Capellanix vel fundationes merè laicales, Castrop. tr. 22. p. 15. n. 6. Pasq. q. 1170. contra Fagund. Facultas autem, quam Trid. sess. 25. c. 4. De Reform. dederat Episcopis & Generalibus Ordinibus

num

num pro reductione Missarum, erat tantum pro oneribus usque ad illud tempus, non autem pro futuro, uti declaravit S. Congregatio apud *Barb. De off. Episc. Alleg. 29. n. 5. & Pasq. q. 1164.* Neque concernebat Missas ex Beneficio vel fundacione debitas, sed tantum ex relictis defunctorum vel piis, eleemosynis, *Barb. à n. 11. Diana p. 2. tr. 2. R. 1. Sylv. p. 2. v. Missa casu 5.* Et ex vi saltem juris communis possent adhuc Episcopi & Generales moderari onera suscepta ante *Trid.* & non imposita in limine fundacionis. *Pasq. q. 1162. 1163. 1175.*, ubi explicat, quænam in tali reductione observari debeant.

117. §. 2. Si in Beneficii erectione statuatur, ut pro necessitate liceat Episcopo onera Missarum moderari, poterit hoc facere Episcopus, uti dixi *L. 4. n. 808.* Docentque etiam *Pasq. q. 1167. & Aversa q. 11. f. 8. §. Tertiò.* Imò *Less. in auct. v. Missa cas. 26.* dicit, si non percipiuntur fructus congruentes, Episcopos posse facere moderationem, docentque *Tamb. & Gob. n. 589.* adhuc in Diocesibus apud se moris esse, ut Episcopi id faciant, & testantur plures cum *Castrop. n. 4.* decretum à n. 63. relatum non observari saltem pro fundacionibus Sacerdotum sæcularium, pro qua sententia alios præterea retuli *L. 4. n. 854.* ubi quamvis dixerim, standum esse decreto id prohibente, tamen hic addo spectandam esse consuetudinem cujusque Diocesis. Ipsimet autem beneficiati non possunt tales reductiones facere, uti omnes notant cum *Castrop. tr. 13. d. 1. pu. 6. n. 26. & Gob. à n. 592.*

118. §. 3. Si reditus vel omnes vel ex parte uno anno emanant, *Bordon*, quem refert & non rejicit *Aversa* suprà, dicit Sacerdotem ipsum posse cum

cum proportionem imminuere numerum Missarum, sed videnda sunt dicta L. 4. n. 855.

§. 4. Si legatum factum pro Missis videatur 119. incongruum, potest Episcopus moderari, antequam ullus acceptarit: è contrà si primus aliquis eo modo acceptarit, est jam extra potestatem Episcopi, *Tamb. Pasq. q. 1168.* Addit q. 1189., si legatum incongruum & necdum admissum ab aliquo sit factum ad Missas perpetuas, non posse per Episcopum converti in Missas manuales pro una vice celebrandas, sed debere onus perpetuum Missarum reducere ad æquitatem.

§. 5. Episcopus moderari non potest mutando Missam solennem in non solennem, *Pasq. q. 1169.* Excipit tamen q. 1188. n. 5. si necessitas sit, posse id Episcopum, dummodo Missæ totidem legantur, quia *Trid. sess. 22. c. 2.* De Ref. concedit facultatem ex necessaria causa immutandi ultimas voluntates, possuntque videri dicta L. 4. n. 844. & à n. 846. Addit *Pasq.* cum aliis multis q. 1169. & q. 1186. quamvis *Trid. sess. 25. c. 5.* De Ref. prohibeat mutari qualitates foundationum, uti pluribus explicavi L. 4. à n. 838. has tamen qualitates quoad substantiam relietas posse reduci ad æquitatem, v. g. concedendo, ut alio loco, die, horâ legatur, si moraliter impossibile foret, vel nimis molestum ista in rigore observare, sed rectè excipit, nisi celebratio Missæ esset certo loco, die, horâ præscripta propter commoditatem populi audituri Missam; hæc enim principalis intentio testatoris immutari non posset, possuntque etiam videri dicta L. 4. n. 824.

§. 6. Episcopum moderari posse Officia, 121.
Tom. VI. E preces

preces & eleëmofynas annexas anniversariis docet *Pasq.* q. 1170. contra *Tamb.* quia de illis non loquitur prohibitio, uti nec de istis Missis, ad quas sine stipendio congruo se homo privatus obligasset; id enim esset in præjudicium Ecclesiæ & successorum, *Pasq.* q. 1174. An autem Fratres Minores vi cujusdam privilegii possint etiam nunc reducere Missam, examinat idem *Pasq.* q. 1182.

122. Q. 10. An possit præscribi circa onera Missarum. R. Dixi de hoc l. 4. à n. 852. Hoc adde, quod Beneficiati, Capellani &c. non videantur posse præscribere, quò minùs applicent fructum Sacramentum Fundatoribus aliisque, ad quorum intentionem legere tenentur ex stipendio singulis Missis respondente, nam obligantur hunc semper in singulis Missis ob tale stipendium applicare, ergo non apparet, quomodo præscribere possent, cum singula stipendia, si debeant fieri ipsorum, postulent applicari singulas Missas, ita *Pasq.* q. 1194. & satis insinuaturn est l. 4. n. 833.

123. Q. 11. A quo & quomodo taxandum sit stipendium pro Missa. R. §. 1. Non est illicitum pacisci de stipendio pro Missa, & quando hoc videtur prohiberi, intelligi debet de pactione, per quam vendatur Missa pro pretio, *Gob.* n. 560. Possuntque etiam divites Sacerdotes, qui aliunde ex proventibus Ecclesiasticis sustentationem habent, exigere stipendium pro hoc ministerio Missæ, neque hoc prohiberi fuit, nisi quando vergebat in præjudicium pauperum, uti habet communissima cum *Pasq.* q. 905. *Adversa* q. 11. l. 17. §. secundò. *Gob.* n. 569. contra *S. Anton. Rich. Silv. Caj. Arm. Tol.*